

陝西府縣志輯

中國地方志集成

道光重修延川縣志
乾隆延長縣志
民國延長縣志書
道光鄜州志

陝西府縣志輯 ④⑦

重修延川縣志序

縣各有志以紀一方之山川人物歷代之沿革典章洵不可少之文也而偏隅小邑每多闕如夫豈瘠於其土而並瘠於其文乎抑待其人而後興耳延川志草創於太原劉明府嘉定李君又從而補苴之惟值兵燹之餘採訪未極周備閱今百有六年

國家重熙累洽

重修延川縣志

卷首序

一

德教

覃敷無遠弗届雖在僻壤其制度禮儀之足超前古忠孝節義之堪傳後來者豈容湮沒不彰所貴守土者旁搜遠紹有以發其微而闡其幽也吾鄉 春塘謝君與厥弟松坪司馬先後作朝邑令一時並著循聲人比之大馮君 春塘蒞延雨載以來政平訟理觀所論政曰其簡而輕視之則必廢事以爲簡見少之則又多事數語具見撫綏之有術

慈恩

宜乎敷政優優得以留心於著作也 余曩牧鄜坊比隣臨河北山風土亦大略稍知茲荷不盡力旬宣曰取各屬志書以資治譜 春塘適以是編寄出自一人之手以成一家之書類僅分五而宏綱細目無不囊括其中堪推一時良史足以補前人之缺陷而作後日之津梁矣 君猶以藝文未備爲憾竊謂文

重修延川縣志

卷首序

二

無當於民生吏治抑何取乎披藻摘華集中輿圖形勢瞭如指掌曰草損益燦若列眉戶口賦役之有條不紊職官人物之有美畢彰不可以爲文乎卽以作藝文觀也可可是爲文道光十一年歲在辛卯孟秋月陝西布政使司布政使滇南楊名寔密峯氏撰



重修延川縣志序

天子慎簡民牧將以化民成俗講讓型仁守土者務在正其疆里悉其物宜審其風俗因時而損益之而非泰稽載籍則無由權利弊之輕重酌今昔之變通將補苴罅漏之不暇又何由措正施行游臻上理志乘之作其藉鏡於治理者良非淺鮮也余自承乏延州於今十稔矣仰賴

重修延川縣志

卷首序

三

湛恩

汪濊時和年豐每以邊圉又安斤斤與屬邑諸君子商舉廢墜矢慎矢勤惕無逸晷非敢期報最也務實心也先是郡城倚山介河雙流交蓄頻年以來隄身城身衝刷垂罄雉堞樓櫓亦因歷年久遠木石無存亟議授役書傭輒以工鉅費繁而止藏已丑倡先捐廉喜得諸君子獎勸士庶樂事赴功越基歲而工竟城堤顛趾一如府志所載因念府志之修

屆今日淺幸睹完書獨屬邑如延川者前邑

令劉君李君雖有舊志百餘年來久多殘缺蓋邊隅質樸文獻無徵故不特創始難卽續成亦不易耳道光八年滇南謝君來宰是邑卽毅然以纂述爲己任聽政之暇時進紳耆而諮詢之加以川原之游歷典冊之旁搜三載究心始臻完備編其口爲四十一條列其表凡五卷旣脫藁郵示於余披閱之下見其

重修延川縣志

卷首序

四

部次州居有條不紊遠而稽諸前古之建置近而規夫

昭代

之幅員上而覈夫分符宰化以觀建白之規下而攬夫瑰節翹材以樹風聲之準鉅而考夫倫常典禮驗閭閻清謐之由細而賅夫動植飛潛析物產腴盈之數而綜以山川疆域形勝要害釐然爲一邑之興要而於禮教民俗尤津津乎其詳言之獎進其中行裁抑其

聖天子

太過扶掖其不及其所以爲正人心厚風俗
許者不禁三致意焉余與謝君忝同蘭幘其
廉明豈弟得之實心實政者稔非一日於是
編之成具見賢令尹之屬望於斯邑者爲甚
厚也於以指正施行游臻上理以仰副

謝君勉之余勉之尤願與後之君子守斯土
者同勉之

重修延川縣志

卷首序

王

道光十有一年歲在辛卯暮春之初知延安
府事閩中邱煌譔

重修延川縣志序

道光八年冬十有二月余始任延川索觀邑
志不得遍訪諸生家獲鐫本二且殘斷一爲
邑令劉公穀舊志在順治十八年一爲邑令
李公近陽補志在雍正四年劉志當兵燹後
典籍無存文多缺略信乎創始之難李志補
職官人物其他無所增迄今百餘年矣付之
闕如將胡底也編輯之責余何能辭明年春

重修延川縣志

卷首序

六

進邑紳耆告以故咸欣然任採訪去再披前
志簡斷篇殘感慨係之適邑少君陳公兆齡
由蘭州回出所抄前志並所集職官一冊示
余乃得快睹全本爰取通志府志各隣邑志
參觀而互証之自夏徂秋取材差備時則歲
稔民安在公多暇山頭馬足得事搜羅更據
余見聞所及者就纂訂焉依樣壺廬有類抄
胥閩三月葉將脫復進邑紳耆責以採訪事

金曰發微聞幽邑民之幸奈僻壤窮鄉傳聞寂寂耳余曰嘻雖然必盡心焉各唯唯退遲之又久問訊無從此邦懿行湮沒于百年間者何可勝道編輯之責余尤不可辭矣于是重剛手稿彙訂成書凡五卷爲目四十有一付之梓人自維俗吏研田就荒率爾搢觚難遠鄙倍要以在職言職不敢任一方之文獻終湮云爾道光十一年歲次辛卯孟秋月知

重修延川縣志

卷首序

九

延川縣事滇南謝長清撰

重修延川縣志姓氏

鑒定

陝西布政使司布政使楊名鳳

延安府知府前翰林院編修陝西渭南縣知事邱煌

加知府銜陝西潼關廳撫民同知前翰林院庶吉士桐城張聰賢

編輯

延川縣知縣謝長清

奉訂

延川縣訓導蔣其英

重修延川縣志

卷首姓氏

八

延州縣典史陳兆齡

延州縣貢生候選教諭曹鶴齡

校錄

邑廩生袁斌

邑廩生曹鴻

邑廩生劉文魁

邑增生曹運元

邑增生甄蘭英

邑附生王加封

延川縣志原纂舊序

國有史家有乘郡邑各有志載在洪編者蓋日星爲昭也邑罹
兵火二十餘年舊志灰燼與烟塵共盡者非一日矣余自甲午
任事之初卽遍搜舊本斷簡殘編無復有存焉者每思採輯成
書以補缺畧然有志而未逮也辛丑春奉檄纂修以勦鉅典余
又安敢以謏陋遜謝弗勉焉從事哉爰是暫輟案牘殫力編纂
兼廣詢博蒐以備採輯凡山川人物田賦土產以洎薦紳出處
節孝姓氏之詳歲時荒歉水旱蝗蝻之變或諮諸故老或考之
碑記頗得其概余爲之編年紀事據實直書而仍各以已意論
斷之閱旬日帙成庶幾載數十載久墜之典於今大備云若夫
固陋弗文繁蕪滯慢一開卷間未有不爲大方所噓者修飾潤
色之功是所望於後人

順治辛丑春知延川縣事太原劉穀撰

重修延川縣志

卷首 舊序

九

延川縣志原纂後序

余於暮春纂志成舉月授梓既望制劇事竣梓人以較訂請余
披帙誦之而深愧是集之未備也余尚擬增補缺畧以成鴻編
頃聞

命量移羊城馬首東行航帆南掛計日匪遙五情萬端真不知其從

何處訴起也遂不遑再爲引觴事祇將志成彙未悉書之以備
考云

順治辛丑夏知延川縣事陞廣東廣州府連州知州劉穀再序

重修延川縣志

卷首 舊序

十

延川縣志補編舊序

昔夫子刪書斷自唐虞而皇古以前類多荒唐畧而弗論至筆削春秋二百四十二年之間編年紀月書名書字法戒昭然若夫慨祀宗之無徵嗟文獻之不足望古遺集漠然徒見山高而水長斯亦事之良足憾者矣故凡作史者必得之耳目所見聞父老所傳述據事直書始足以信今而傳後何獨邑志不然夫天下者國之積也國者邑之積也一邑有志推之凡邑皆志而一國之志成矣一國有志推之凡國皆志而天下之志成矣我聖祖仁皇帝特命詞臣纂修大清一統志上自國都下逮郡邑皆得

重修延川縣志

卷首

上

備錄一方之土產人物田賦丁役昆蟲草木雨暘災祥之故登諸簡編所以別疆域也考延志自前劉令纂修而後距今六十年其間筮仕茲邑茂著龔黃之業者有人異才而隱於下吏者有人學博而繼蘇湖之教驛宰而備皇華之選者有的人生長於斯者科甲則連鑣而起明經則按歲而登或遊大學而知名或以刀筆而起家忠孝節義足以立萬世之綱常薄蝕災殺可以昭天心之示警諸如此類猶及老成尚在遺文未墜而續貂於後足以鼓風化於萬一也予以天末鄙儒待罪茲邑甫踰歲值西塞軍興從役八載癸卯秋始得反署目擊延邑荒殘人民

皇恩

逃亡既不能繪監門之圖又無可矯長孺之詔中夜焦勞撫字無術故不得已而求調通賦又不得已而懇綬催科幸蒙浩蕩蠲賑頻施天心轉圜大有迭書菜色之民皆享溫飽流移之子漸復故鄉予又以延邑百年來額設之公費重累吾民盡舉而革之由是民則望盈婦寧士則戶誦家絃地方頗有起色予故於簿書之暇披閱延志見已載者炳若日星未載者聽其湮沒何以發潛德之幽光而立後世之楷模乎爰屬邑之紳士商之悉有同志焉除山川城郭祠宇壇壝土俗民風先代人物藝文已載舊志不贅外自康熙初年以迄於今凡遊宦於茲生長於茲者照例分別邑令縣尉學博驛宰以及科目明經國學典吏員之出身加民並節孝之彰彰在人耳目者紀其姓氏載其履歷付諸梓人賴於舊志之後用以示將來砥風化是予區區之意也至潤色文章以俟後之君子

重修延川縣志

卷首

上

雍正丙午秋知延川縣事四川嘉定李遠陽撰

重修延川縣志

凡例

一舊志原纂至順治十八年止補編至雍正四年止凡山川建置政事人物有前志未載今志補入者悉註明所據惟職官祇能據府志所載及冊籍可稽者序錄內有後任年分與前任懸遠者知爲記載遺漏不能不付之闕如

一原纂各門類逐加考核皆無差訛依舊備錄惟縣治沿革誤以臨河屬秦謹爲辨正以釋疑議

一職官政績足紀者舊志皆分註姓名下今仍其式不復另分

重修延川縣志

卷首 凡例

三

條目匪惟弗敢妄擬列傳亦以見直筆在前不自後增減惟後人增補李如模李近陽二公政績詞意過於重複廼刪去數語存者亦皆原文

一 本朝職官未設主簿今按清澗藝文志有延川縣主簿張頌名在朱嘉祐二年又舊志公廨主簿王佐齋印抵署在明洪武三年前代因革無考今於職官後補載張王二公不復另列主簿官名

一文廟多首列秩祀凡未載祀典寺觀附之無以昭崇儒重道

之義今依通志特舉學校記載建修始末獨詳

一舊志秩祀只載壇廟修廢而不及典禮今志列壇廟於建置門復列祀典於政事門凡先賢位次儀注典章悉遵 大清通禮謹書備錄或謂此天下所同非一邑之志祇以邑人模質鮮習禮文故特舉祀典俾弟子員以時觸目警心馴至嫻習耳凡他類詳畧偏處亦此區區思見

一物產舊志太畧今志又太繁亦以耳目常經之物邑人或不知爲何名故畧事引徵實其闕見且物類雖多收成常少人功雖至土性未宜悉爲註明庶一覽而知地方利害

一舊志古蹟載石油井響水潭白浮圖寺三蹟似於典故無闕

重修延川縣志

卷首 凡例

十四

重經今分載山川寺廟類以省錄目

一孝子節婦尤闕風教道光八年前令蔡採訪節婦三十八人

合李志所載未奉 旌表節婦十八人詳報道光九年始

得劉志原載孝子七人節婦七人補報均蒙 上憲核准彙

題請建總坊在案外有節婦二人因年例尚差未與今一併

志入用待將來闡發

一職官人物現存者雖有公論不敢妄定止列姓名履歷以俟

論定於後人

一志載藝文凡以闡典故與國計民生也舊志藝文只延水閣

一記律詩數首皆遊覽遺興之作今悉心採訪斷碣殘碑多
經風雨剝蝕兩年來又無以片紙相寄者故今志不載藝文
並前志詩記亦從刪

一處處邊隅不能遠聘鴻儒主稿邑紳士又謹愿不贊一辭凡
刪訂率出鄙人一手詞意未周體裁未稱固有自知之明者
所望後來君子補正而潤色之

延川知縣滇南謝長清謹識

重修延川縣志

卷首 凡例

五

重修延川縣志目錄

縣圖考

疆域圖

城池圖

衙署圖

文廟圖

儒學

圖

登峯書院圖

福梯嶺圖

地理志卷一

分野

疆域

山川

形勝

物產

建置志卷二

沿革

城池

公廨

學校

壇廟

關梁

里甲

郵遞

坊表

義塚

重修延川縣志

卷首 目錄

六

政事志卷三

戶口

地畝

民賦

雜稅

祀典

風俗

災祥

職官志卷四

名宦

知縣

教職

典史

驛丞

營弁

人物志卷五

封爵

鄉賢

徵辟

進士

舉人

貢選

武科

雜用


封贈

儒行

耆德

孝子

節婦



圖廟文



重修延川縣志

卷首

圖

卒




重修延川縣志

卷首

1

第

儒學圖



讀書堂






重修延川縣志

卷首

三



重修延川縣志

卷首

三



禪梯嶺圖

關門城

重修延川縣志卷一

知縣謝長清編輯

地理志

分野 疆域 山川
形勝 物產

榆延要衝邊重寄疆界殊方河山定位百里提封慎守不易
近郊遠郊聿觀政治因天之時順地之利有土有人職維撫字
述地理

分野

延安郡古雍州域天文井鬼分野漢書地理志自井十度至柳
三度爲鶉首於辰在未爲延之分野

重修延川縣志

卷一 分野

按郡志凡星野之說可用於統部通志而不可用於州縣之
志蓋謹人事而應天象理所宜然至於叢爾一隅未知當於
天度幾許修志者輒引周漢國都強相附會非其質矣然沿
習已久去之或訝衆目故附載於此他若縣志中之牽引者
則盡削之以明體裁愚謂老農耕作每以占星驗候爲準然
則俯察仰觀以勸農事固守土者所當務也惟泥於星象度
數爲一邑分野則鑿矣

疆域

東至延水關七十里過黃河入山西永和縣界至永和縣治共

一百三十里

西至文安驛三十里又西至萬谷峪三十里又西至酒店舖十
里迤南五里爲豐年舖入延長縣界至延長縣治共一百二

十里

南至安河八十里入宜川縣界至宜川縣治共二百三十里

北至賀家灣十五里入清澗縣界至清澗縣治共六十里

東南至灘庄一百里過黃河入山西永和縣界至山西大寧縣

治共一百九十里

西南至交口鎮五十里入延長縣界

重修延川縣志

卷一 疆域

二

東北至賀家畔七十里入清澗縣界至山西石樓縣共一百七
十里

西北至寒沙寨一百一十五里入安定縣界至安定縣治共一

百四十里

西至延安府一百九十里

西南至西安府九百二十里

東北至京師二千一百七十四里

山川

東峯山 在縣東一里又名太和山上建真武廟

鑰匙山 在縣東里許上建北極宮

印臺山 在縣東二里上建文昌宮

西山 在縣西一里舊爲烽燧之所

官道山 在縣西四十里山下爲孔道又相近有梁家山

萬岔峪 在縣西六十里

鑿子山 在縣西七十里

禪梯嶺 相近鑿子山 在縣西七十里爲縣境扼吭要口中有石洞與

延長壤地交錯

南山 在縣南一里元知院張延祐築寨屯兵

重修延川縣志

卷一 山川

三

神圪塔山 在縣南十五里上建東嶽行宮

雙冢山 在縣南七十里交宜川縣界

窪山 在縣南百里有聖水泉旱禱卽應

青眉山 在縣西北七十里後魏時有土蕃青眉族居此

寰宇記

玉皇山 在縣西北八十里

黃河 在縣東七十里自清澗縣流入與山西永和縣分界又

南入宜川縣界水經注河水又南右納尋水又南過高奴縣

東石會區水 延川在漢亦屬高奴地 元和志黃河在延水縣東八里

唐

水縣在

縣東南 九域志延川縣有黃河

詳見通志圖考

秀延水卽尋水 一名清澗水又名吐延水今俗名縣河 在縣東城下水經注秀延

水東會根水又東南會露跳水亂流注於河元和志縣有吐

延水北自綏德縣流入 按綏德縣故城在今清澗縣西北三十里寧川堡 通志自清

澗縣南流入逕縣東北至永寧關入黃河又有崇溝社樹坪

溝俱在縣西北王家溝唐家岔溝皆在縣西土谷岔溝滔水

川皆在縣北栢岔溝五龍川皆在縣東北王林溝沙泉溝皆

在縣南俱流入清澗水郡志水道考尋水出延安府安塞縣

北西山經申山北二百里曰鳥山尋水出焉而東流注於河

穆天子傳已酉天子飲於溥水之上水經注尋水俗謂之秀

重修延川縣志

卷一 山川

四

延水元和郡縣志謂之吐延川云延川縣取吐延川爲名吐

延水北自綏州綏德縣流入今水出安塞縣北王家掌也東

北流入安定縣界逕秦重嶺北浣水北注之嶺在縣西南三

十里嶺卽鳥山也浣水出嶺西北俗稱麻兒河按水經注秀

延水東流得浣水口旁溪西轉窮溪便卽浣水之源則此水

也今俗以爲麻兒河也尋水又東於父川水東南入之水出

於父山山在縣西五里東流北合黑牛川水又東逕堡子山

北南入尋水尋水又東逕縣治北又東李家川北注之水在

縣南三十里按水經注尋水又東會根水西南溪下根水

發而東北注尋水當即此水俗名李家川也尋水又東草班堡水南注之又南黑龍溝水首受永平川東南注之永平川水出延安府安定縣東南黑山俗名郝家川東南流入延川縣界又東左合樓兒河水水亦出安定界又名白津川也其水至延川縣界入於永平川水永平川水又東入清澗界合於黑龍溝其水又東南入於尋水按元合郡縣志城平縣後魏孝明帝於今縣理西三十里庫仁川置城平縣隋自庫仁川移於今理考唐城平縣東北至綏州一百里則故治當在縣境西南知庫仁川即永平川也尋水又南入延川縣界站

重修延川縣志

卷一 山川

五

水東注之水出縣西蕭梯嶺東逕縣治北入於尋水尋水又南逕縣治東南河水東注之水出縣西官道山也尋水又東南交口川水東注之水出延長縣西北亦名高家原水東南流逕獨戰山南太平寰宇記延長縣獨戰山在縣北四十五里山高峻險一人獨戰可以當千故名其水又東南入延川縣界合於尋水東入於河

永平川 在縣西八十里源出安定界黑山逕寒沙寨永平鎮又逕寺村馬家坪東流一百十五里入縣河又有樓兒河亦自安定界東流逕石窪村馬家灣合於永平河

永平川即安定之郝家川

樓兒河即安定之白津川

小聖塘 在縣西五里南爲岡北爲祖中有石澗甚隘水流湍急噴湧如雪故名

南河 在縣南自官道山東流又逕通濟橋楊家塢入縣河響水潭 在縣南二里俗傳夏王堇潭底上建夏王廟遺址猶存旱禱詣潭取水

向家原水 在縣南自縣西南流逕槐樹坪又東流逕稍道河入縣河

站川水 在縣北一里源出禪梯嶺東流逕文安驛入縣河

重修延川縣志

卷一 山川

六

官胡川 一名官 寰宇記延水縣有骨胡川自綏德縣流入八十里入黃河番名骨胡川漢名乾川今無水

石油井 地名石油溝 在縣西北八十里元一統志永平村井出石油

可燃燈潛確類書延川縣井出石油每歲六月取之塗已瘡疾

五龍泉 在縣東南

黑龍水 在縣西南其源一出安定境一出延長境至永平合

流東下入縣河

形勝 附八景